



**MINISTER GEOFFREY WEVER Y AFTA TA REUNI RIBA E AVANCE DEN E LEY DI PROTECCION DI CONSUMIDORNAN NA ARUBA**



**WWW.SOLODIPUEBLO.COM**



**SOLODIPUEBLO@GMAIL.COM**

# **11 PERSONA A KEDA DETENI PA LANSA MENASA RIBA POLIS**

**Relaciona cu dos polis cu a tira mata hoben di 19 aña**

**Mientras cu Fiscal a exigi 3 aña di prison**

## **HUES A DECLARA HOMBER SOSPECHA DI A ABUSA DI UN MUCHA MUHER LIBER**



**STAATSSECRETARIS DI REINO SZABO:  
CU MIRADA POSITIVO RIBA  
MEHORAMENTO FINANCIERO  
DI ARUBA**

**FORMACION DI  
UN SIGUIENTE  
GOBERNACION TA  
DURANDO MUCHO  
LARGO Y ESAKI  
TA STROBANDO  
DESAROYO DI  
ARUBA**



**FRACCION DI PPA  
A PIDI REUNION  
PUBLICO DEN  
PARLAMENTO  
PA ATENDE CU  
E INCIDENTE DI  
HOBEN CU A PERDE  
SU BIDA DEN  
CONFRONTACION CU  
CUERPO POLICIAL**



Minister mr. Geoffrey Wever

# MINISTER GEOFFREY WEVER Y AFTA TA REUNIRIBI E AVANCE DEN E LEY DI PROTECCION DI CONSUMIDORNAN NA ARUBA



Oranjestad, 20 februari 2025 – Minister di Asunto Economico, Geoffrey Wever, recientemente a tene un reunion cu Aruba Fair Trade Authority (AFTA) tocante e ley nobo pa proteha consumidornan, riba cual Raad van Advies a duna recientemente nan consejo. Aworaki e ley ta sigui su trayecto pa ser entrega na Staten.

Como cu proteccion di consumidor ta un di e pilarnan di Aruba Fair Trade Authority (AFTA), na october 2023 Minister Geoffrey Wever, a haci peticion na Hulanda por medio di Landspakket, pa aloca fondonan pa traha riba e ley di 'consumentenbescherming' y inclui proteccion di consumidor bou di responsabilidadnan di AFTA. E proceso pa selecta un experto pa traha riba e ley di 'consumentenbescherming' a inicia na final di 2023. Y na final di 2024, riba peticion di Minister Wever, consejo di minister a aproba pa e ley aki sigui e trayecto y finalmente wordo trata den Parlamento di Aruba.

Concretamente, e tareanan y

autoridad adicional di AFTA den cuadro di proteccion di consumidor ta encera: supervision di e cumplimiento cu e ley di proteccion di consumidor y duna informacion tocante e derecho y deber di consumidornan haciendo uzo di un loket di informacion digital.

Despues cu e ley wordo aproba den Parlamento di Aruba, AFTA lo ta responsabel no solamente pa stimula un competencia husto den nos mercado pero tambe lo contribui na educa consumidornan riba nan derechonan y proteha e consumidornan contra practicanan inhusto den comercio.

Minister Geoffrey Wever ta contento cu e progreso den e ley cu ta bai protehe e derechonan di e consumidornan. "Proteccion di consumidor ta esencial pa un economia moderno. Pronto e ley lo wordo trata den Parlamento di Aruba. AFTA ta fungi un rol esencial den proteccion di consumidornan y creacion di un mercado transparente y husto."



## Clasificados

**SOLODIPUEBLO@GMAIL.COM**

**CEL.585 9500**



# 11 PERSONA A KEDA DETENI PA LANSA MENASA RIBA POLIS

## Relaciona cu dos polis cu a tira mata hoben di 19 aña



Den un investigacion di Cuerpo Policial Aruba, un total di diesun persona a keda deteni desde siman pasa diahuebs riba sospecho di menaza y/of instigacion riba Facebook. E menazanan y instagacionnan aki tabata dirigi

contra polis.

Ministerio Publico sa cu e incidente di tiramento cu a tuma lugar riba 9 di februari 2025, den cual un hoben a bin na fayece, a causa emocionnan grandi den comunidad. Sinembargo, esaki no por hiba hende na cuminza comete hechonan castigable.

Libertad di expresion ta un di e principionan di Estado di Derecho. Den un Estado di Derecho ta permiti pa personanan expresa opinionnan cu otronan por sinti como insulto. Sinembargo, libertad di expresion no ta sin su limite.Codigo Penal ta demarca e limitenan di libertad di expresion. Cu otro palabra: libertad di

expresion ta stop unda ley penal ta start.

Comete hechonan castigable no ta cay bao libertad di expresion.

Menaza hende of expresa na un manera menazante ta un hecho castigable. Instiga otronan pa nan comete hechonan castigable (opruiing) ta un hecho castigable. Pone textonan menazante of instigante riba social media manera Facebook ta un hecho castigable.

E personanan cu a wordo deteni awor ta wordo sospecha di e comete e hechonan aki, caminda e textonan menazante tabata dirigi riba polis. Esaki lo no wordo tolera na ningun forma.

E investigacion di e incidente di 9 di februari 2025 dor di Landsrecherche ta keto bay andando.

E polisnan a wordo scucha como sospechoso den e investigacion. Polisnan cu haci uso di nan arma den tempo di trabou no ta wordo deteni en principio, mientras ta spera riba e resultadonan final di e investigacion hiba pa Landsrecherche, ya cu segun ley, nan por usa e arma di servicio bao cierto condicionnan. E investigacion mester determina si nan a cumpli cu e condicionnan aki. Ey ta mira tambe e diferencia cu civilnan.

## STAATSSECRETARIS DI REINO SZABO: CU MIRADA POSITIVO RIBA MEHORAMENTO FINANCIERO DI ARUBA

Zsolt Szabó, Staatssecretaris di Reino, a expresa confiansa den e progreso financiero di Aruba. A pesar di algun desafio, e ta pone enfasis riba e esfuerzo fuerte cu ta wordo haci pa mehora e asuntonan financiero di e isla.

### Progreso den Maneho Financiero

Segun Szabó, Aruba a traha riba un inhaalslag pa publica su jaarrekeningen atrasa. Cu ayudo di experto externo y un plan structural, gobierno di Aruba a traha pa recupera te cu e jaarrekening di

2023. Su meta ta pa 2026 haya un controleverklaring positivo riba su finansa, un paso hopi importante pa un maneho financiero transparente y solido.

Medidanan positivo y inversion den capacidad Algun di e paso positivo cu Szabó ta menciona den su carta na Tweedekamer ta:

Stelsel nobo di contabilidad y leyman pa gasto publico – Ta wordo implementa regulacionan pa sigura un maneho financiero mas sigur y organisa.

Reforsa Directie Financiën – Aumento di

capacidad y mehoracion di condicion di trabao pa atrae mas experto den e sector financiero.

Educacion y Formacion – Un Leergang Openbare Financiën Aruba nobo ta bin pa mehora e conocimiento financiero den gobierno.

Sistema mas moderno pa proceso financiero

Un futuro mas stabiel y transparente

Den su evaluacion, Szabó ta admiti cu tin trabao pa haci, pero e ta positivamente impresionado cu Aruba ta sigui den e direccion corecto. E esfuerzo y



colaboracion den e cuadro di Landspakket ta yuda pa crea un maneho financiero mas fuerte y sostenibel.

“Mi ta mira progreso real

den e trabao cu ta wordo haci pa mehora e maneho financiero di Aruba, y mi ta confia cu si e mesun dedicacion sigui, Aruba por logra e meta pa un control financiero solido pa 2026.” – Zsolt Szabó a bisa.

### Conclusion

E gobernacion di Aruba ta muestra compromiso pa regla su finansa y sigui e recomendacionnan di e Algemene Rekenkamer. Cu e mesun esfuerzo y transparencia, e pais ta n'e rumbo pa logra estabilidad financiero y un maneho miho di su presupuesto.





# Noticia di Corte

## Mientras cu Fiscal a existi 3 aña di prison

# HUES A DECLARA HOMBER

# SOSPECHA DI A ABUSA DI UN MUCHA

# MUHER LIBER

Awe mainta Hues a dicta sentencia den e caso penal contra e homber V. Fiscal ta haya V. culpabel di a haci actonan immoral cu un mucha muher y a existi 3 aña di prison.

SOLO DI PUEBLO por a compronde cu Hues a bisa cu e no ta haya cu tin suficiente prueba y a declara e sospechoso V. liber.

### HUES A DECLARA SOSPECHOSO LIBER

Awe mainta den sala di Corte di Husticia, Hues a bisa cu e acusacion di Fiscal contra V. ta cu riba 14 November 2023, V. a abusa y haci actonan immoral cu e mucha muher T.(15). Hues a duna un splicacion, kico e ta pensa di e caso. Hues a muestra cu segun e denunciante T., e abuso a sosode den un auto den parkinglot di

un school. V. a admiti cu e tabata den e auto cu e mucha, kende el a duna un lift, pero a desmenti categoricamente di a haci actonan immoral.

Hues a sigui bisa cu abogado mr. Kuster a muestra cu den e parkinglot tin hopi auto y hende ta pasa y ta imposibel cu V. ta bay haci actonan immoral cu e mucha.

Hues tambe a muestra cu abogado a señala cu contrario cu loke Polis bisa, e windshield di e auto no ta getint. E abogado mes a saca potretan di e auto y a entrega esakinan na Hues y Fiscal den Corte. E abogado cu e potretan di auto a muestra cu e windshield no ta getint y cu e auto tin sunroof habri cu ta manda claridad den e auto.

Hues a sigui bisa cu Fiscal ta haya V. culpable di actonan immoral. Fiscal ta basa su mes cu e amiga di T. a bisa cu el a mira V. hopi emocional. Ademas cu T. a declara cu V. a haci actonan immoral cun'e.

### SOSPECHOSO DECLARA LIBER

Hues a bisa cu teniendo cuenta cu e potretan cu abogado a trece y mirando e postura grandi di V., ta imposibel cu V. por a haci actonan immoral cu e mucha T.


Hues ta haya cu no tin suficiente prueba. Hues no ta haya legalmente proba e acusacion contra V. y ta declar'e liber.

# CHAUFFEUR BURACHI DESPUES DI A DUNA 3 DIFERENTE VESION DI UN ACCIDENTE A HAYA LIFT PA CAS CU UN BOET!



Diaranson madrug a drenta informe di un accidente na Costa Linda, mesora a dirigi un patrulla na e sitio.

Despues di a duna 3 diferente version di un accidente y e chauffeur cu no tabata sa unda ela dal su auto polis a test e y esaki tabata net cerca pa wordo deteni polis a duna un boet combina cu un "rijverbod" pues un prohibicion pa stuur y a dun'e un lift pa su cas.





# FRACCION DI PPA A PIDI REUNION PUBLICO DEN PARLAMENTO PA ATENDE CU E INCIDENTE DI HOBEN CU A PERDE SU BIDA DEN CONFRONTACION CU CUERPO POLICIAL

## A conta cu sosten di Futuro y AVP



Parlamentario Otmar Oduber a informa cu for di siman pasa fraccion di PPA a acerca tur fraccion den Parlamento pa ta cofirmante den un peticion pa Presidente di Parlamento pa atende cu e incidente cu a conmove henter comunidad. Ta trata aki di e hoben di 19 aña cu a perde su bida siman pasa den un confrontacion cu Cuerpo Policial.

Oduber ta considera cu e conmocion causa den comunidad a laga hopi pregunta y inkietud atras y como miembro di Parlamento mester dune e atencion necesario. Siman pasa fraccion di Futuro a

firma e carta, pero pa un peticion pa reunion publico mester di tres firma minimo di miembronan di Parlamento. Asina e siman aki, fraccion di AVP cu algun adaptacion na e carta, a firma esaki.

Di e forma aki ta manda e carta pa Presidente di Parlamento pa den forma di urgencia yama un reunion pa atende cu e situacion aki cu a afecta henter comunidad. Di un banda tin un famia di un hoben cu a perde su bida y di otro banda tin Cuerpo Policial cu PPA lo kier pa sigui conta cu confiansa di comunidad, of si ta necesario, recupera esaki.

Otmar Oduber ta considera cu e trabou como Parlamento, como organo representante di pueblo, ta unda e minister responsabel, como tambe instancianan involvi den e caso aki, esta Ministerio Publico y Cuerpo Policial, lo mester bin contesta e preguntanan di representantenan di pueblo. E ta considera esaki e forma con por sigura comunidad cu actonan manera esaki wordo preveni, pa nan no sosode mas y con ta atende cu nan. Pero banda di esaki, Oduber ta considera importante tambe pa duna tur hende e tranquilidad cu bida di hende ta wordo salvaguardia pa medio di maneho y protocolnan cu ta 'in place' y cu ta actua conforme e meta di preserva bida y salud di nos comunidad.

"Intencion no ta pa nos mete den investigacion, investigacion tin cu cana su caminda y keda totalmente obhetivo pero transparente pa henter comunidad, cual no ta e sentimento na e

momentonan aki. Nos mester sigura comunidad a traves di Parlamento, di e contestanan cu ta bin di gobierno, e minister y instancianan responsabel, cu e confiansa den e instancianan por tey of por wordo restableci", Otmar Oduber a declara.

El a agrega cu durante e reunion publico por yega tambe na un conclusion di con por asisti pa e tipo di incidentenan aki no ripiti mas. Un di e pensamentonan cu fraccion di PPA tin ta pa polisnan cana cu 'bodycam', cual ta un forma cu ta proteha tanto e trabou di polis como tambe e ciudadano. Tambe por scucha e camaranan cu ta wordo instala den autonan di polis y asina filma dilanti y patras di dje, cual ta duna un siguridad na polis como na e ciudadano tambe.

Tambe Oduber a expresa cu kier mira cu tur caso ta wordo trata cu e mesun handschoen pa loke ta trata Ministerio Publico

y Cuerpo Policial. "No por tin duda cu den cierto casonan si ta cana cierto protocolnan y den otronan no. Mi ta kere den Parlamento di Aruba ta caminda cu nos por sigura esaki".

Parlamento tin un tarea di transmit un mensahe na comunidad cu nan por tin confiansa den nan Cuerpo Policial, pero tambe cu Cuerpo Policial por sinti cu Parlamento ta para pa e trabou cu nan tin cu haci, pa por tin e ekipo necesario y pa comunidad por sa cu e ta wordo protehi door di e mesun Cuerpo Policial aki.

Otmar a bisa enfaticamente cu no ta trata di un reunion pa punta dede den direccion di ningun hende, simo uno caminda cu Parlamento ta asumi su responsabilidad di percura pa un acto asina nunca mas tuma lugar, y tambe sigura cu e protocolnan y reglanan ta conta pa tur hende y asina evita cualkier duda den nos sistema hudicial

### CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





# BUCUTI & TARA BEACH RESORT TA BRINDA SESIONNAN VIP EXCLUSIVO PA SU ASOCIADONAN PA TURNING THE TIDE, E ORGUYO MAS NOBO DI CINE DI ARUBA

EAGLE BEACH, Aruba – Feb. 19, 2025 – Bucuti & Tara Beach Resort, Aruba, ta sigui duna trato VIP na su Asociadonan cu sesionnan exclusivo y priva di Turning the Tide, Aruba su documental nobo y primo di su tipo, na Gloria IMAX den su VIP rooms. E prome sesion a tuma lugar riba 12 di Februari, y e siguiente sesion priva a tuma lugar dialuna, 17 di Februari. Como parti di su enfoque integra y duradero riba sostenibilidad, Bucuti & Tara ta brinda su Asociadonan acceso gratis na e pelicula inspirador cu ta muestra e trabou transformador cu ta tuma lugar riba nos isla. Durante e experiencia, nan por disfruta di popcorn y nan bebida preferi, hunto cu un persona special di nan escogencia.

E Olanan di Mañan Ta Subi riba e Costanan di Aruba

Turning the Tide, un documental cu ta muestra e

trabou inspirador di Aruba Conservation Foundation den colaboracion cu Wageningen University & Research, ScubbleBubbles Foundation, RESEMBID y Universidad di Aruba, ta explora e desafionan ambiental di Aruba, específicamente e peligernan pa e habitatnan marino y e esfuersonan colectivo pa rehabilita ecosistemanan fragil aki—cuminsando for di fondo di laman subi bin ariba.

Como e prome y unico hotel certifica carbono-neutral den Caribe, un parti di lidera cu ehempel ta inclui empodera e ekipo di Bucuti & Tara cu conocimiento tocante e desafionan ambiental urgente cu e isla y planeta ta enfrenta.

Turning the Tide ta alinia perfectamente cu e mision di e resort y su compromiso na e Objetivonan di Desaroyo Sostenibel di e Nacionnan Uni (UN




SDGs), proporcionando refleha cu sostenibilidad un manera interesante pa ta e kurason di tur

loke e resort ta hasi. E sesionnan special aki no ta simplemente un anochi di pelicula—nan ta un oportunidad pa e Asociadonan di Bucuti y nan famianan reuni, comparti e historia di sostenibilidad di Aruba, y wordo inspira pa sigui sostene proyectonan transformador cu ta proteha nan cas pa e generacionnan futuro. Isla Chikito, Logronan Grandi

E resort semper a kere cu hende por cambia e mundo for di unda nan ta para—of den e caso di Turning the Tide, for di unda nan ta landa. E esfuersonan aki ta pidi colaboracion, y den e spirito di un meta uni, Bucuti & Tara ta contento di por a brinda e sesionnan special aki na su ekipo pa celebra e progreso pa proteha Aruba pa e futuro generacionnan.


## ACCIDENTE SEMI FRONTAL NA MOKO, A BIRA PROME CU SU TEMPO SIN RIJBEWIJS!



Diaranson mainta a drenta informe di un accidente na Moko, mesora a dirigi

un patruya na e sitio. Na yegada di e patruya a bin compronde cu aki ta trata

di un accidente unda e chauffeur di un Honda Fit a bira mucho tempran y a bay dal riba un Pick-up di direccion contrario. Afortunadamente ningun hende a resulta herida pero e pick-up Ford aki cu ta asina hopi caro e Honda fit a bay dal riba dje ocasionando un daño



basta caro riba e auto. e caso aki. Polis a presenta y a resolve



## Prome Minister Evelyn Wever-Croes:

# FORMACION DI UN SIGUIENTE GOBERNACION TA DURANDO MUCHO LARGO Y ESAKI TA STROBANDO DESAROYO DI ARUBA

Prome Minister Demisionario, Evelyn Wever-Croes ta remarca cu e formacion di e siguiente gobernacion ta durando mucho largo y ya caba esaki ta refleha efectonan negativo pa Aruba. Entre otro, e Presupuesto 2025 no por wordo trata cu ta un fayto cu ya a bay riba e radar di Rijksministerraad.

### Presupuesto 2025:

Gobierno di Aruba, Minister di Finansa y fraccionnan den Parlamento a haci peticion na Parlamento pa trata e presupuesto pero esaki te ainda tawata envano. “Mi ta lamenta esaki pasobra bou di Gabinete Wever-Croes I y II, semper a logra desde aña 2022 pa entrega presupuestonan na tempo pa asina por trata nan na tempo. Ta di lamente cu e tendencia aki ta wordo kibra awo simplemente door di tardansa di formacion di gobierno”, Prome Minister a duna di conoce.

Prome Minister a expresa su opinion cu e Presupuesto 2025 por wordo trata pasobra no tin maneho den dje, esaki ta loke ta wordo yama ‘beleidsarm’. Cu otro palabra no tin inversionnan grandi di maneho den e presupuesto cu ta mara e siguiente gobierno. Ademá, Prome Minister a remarca, e siguiente gobierno despues di su formacion, mesora por entrega un voorjaarsnota cu su cambionan cu e ta desea.

E Presupuesto 2025 cu a wordo entrega hunto cu e nota di cambio, ta musta un surplus di 1.9% den e presupuesto y pa e sector colectivo 3.5%, mientras cu pa ley esaki mester ta 1%. Esaki kiermeen cu

e gobierno nobo tin di biaha entre 0.9% y 2.5% extra surplus cu e mes por gasta.

### Diferencianan fundamental:

Prome Minister a remarca cu e tardansa di formacion di un gobierno nobo ta debi cu e dos partidonan cu ta formando di naturalesa no tawata alineá cu otro. Partidonan AVP y FUTURO tawata tin diferencianan fundamental den nan posicionnan y nan visionnan. Entre otro, e promesa di AVP di aumenta e pensioen di biehes considerablemente mientras cu FUTURO publicamente a declara cu nan ta contra.

Un otro diferencia fundamental entre e dos partidonan formando ta e relacion cu Hulanda. FUTURO kier un bon relacion cu Hulanda mientras cu AVP, awe ainda na Den Haag ta conoci pa e mal maneho financiero cu a conduci na un curatela financiero na 2014 cu un KB y e reaccion e tempo ey di welga di hamber di Mike Eman como e prome minister di Aruba. Awo ta e mesun Mike Eman ta aspira un biaha mas pa bira prome minister di nos pais.

Prome Minister a menciona un di tres diferencia fundamental entre e partidonan cu ta formando gobierno, y esaki ta e negosacionnan cu Hulanda riba e posicion si mester bin un rijkswet of no. FUTURO kier un rijkswet y AVP no kier un rijkswet. Y finalmente, tin e landspakketnan, cu ta e palabracionnan haci entre Aruba y Hulanda pa loke ta trata e reformanan. AVP ta contra esakinan.

E diferencianan fundamental aki no tin entre partidonan MEP

y FUTURO, pa cua motibo un coalicion entre MEP y FUTURO lo a parce un relacion mas natural. Ta parce cu AVP y FUTURO ta wordo forsa pa yega na un acuerdo di gobernacion. Pa yega na e acuerdo aki, e formadonan a haya te 13 di maart proximo pa logra. Prome Minister: “Ami ta spera di berdad cu e formacion por keda cla lihe pasobra Aruba no por warda mas largo. Mientras tanto nos lo sigui goberna nos pais y lo sigui atende casonan coriente riba e mesun forma responsabel, buscando solucionnan manera nos a bin ta haci durante e ultimo 7 añanan”.



### STATEN VAN ARUBA

OPENBARE VERGADERING OP 4 MAART 2025 OM  
09:00 UUR V.M. IN DE VERGADERZAAL VAN DE STATEN VAN ARUBA

### TE BEHANDELEN ONDERWERP

#### Agenda:

1. Verzoek fracties P.P.A.-A.V.P.-Futuro om zo spoedig mogelijk een openbare vergadering te beleggen omtrent het onderzoeksbeleid en aanpak inzake het recente tragisch incident.

De Griffier,

mr.drs. Herman Ch. J. Hek



# A GRADUA DI UNIVERSIDAD DI ARUBA, SASKIA NORAIDA RAIZA CROES

Dia 7 di februari, 2025 a gradua na e Facultad di Ley na Universidad di Aruba, Saskia Noraida Raiza Croes.

El a gradua defendiendo su tesis titula:

“De vergunningen van rechtswege, Lex silencio positivo. De mogelijke gevolgen van de invoering van de Lex silencio positivo in het Arubaanse

bestuursrecht”

Miembronan di e comision di examen tawata:

mr. dr. H.E. Bröring  
mr. B. Huiskes  
mr. H. Meijer

Universidad di Aruba ta felicita Saskia Noraida Raiza Croes cu su logro.



Minister mr. Geoffrey Wever

## REUNION EXITOSO CU DIRECTORA DI MINISTERIE VAN BUITENLANDSE ZAKEN DI HULANDA; SECTOR WESTELIJK HALFROND

Diahuebs 13 di februari ultimo Minister Geoffrey Wever a ricibi bishita di sra. Marjan Kamstra, directora di Westelijk Halfrond Ministerio di Buitenlandse zaken na Hulanda y sra. Annemieke Verrijp cu ta estableci na Corsou pa e islanan Hulandes. Durante e reunion aki a elabora riba diferente topiconan manera e maneho economico di President Trump, referente e subida di tarifican di importacion y ki impacto esaki por tin pa economianan di Hulanda y e islanan di Caribe Hulandes.

Minister Wever hunto cu Economishe Zaken haci un analisis macro economico pa por tin un bista mas amplio di e posibel consecuencianan cu esaki por tin pa e maneho aki

pa Aruba. Como cu e decisionan di President Trump ta varia lo keda monotoria esaki y haci analisis nan regularmente y asina purba ta un stap dilanti pa minimalisa e impacto y consecuencia cu esaki por tin pa Aruba, principalmente e efectonan riba nos inflacion.

Temanan cu tambe a wordo discuti ta e colaboracion entre embahadanan di reino den e region di America Latino y Caribe pa asina ofrece informacion nan cu entre otro comerciantenan local den respectivo mercadonan den regio por beneficia di dje.

Manera ja caba a demonstra den pasado, regularmente reino ta organisa



misionnan comercial den e region pa comerciantenan di Aruba y di e otro islanan di Caribe Hulandes por participa y asina sondia posibilidadnan pa por haci negoshi. Asina aki mes Minister Wever hunto cu delegacion nan di DEACI, KVK, ATIA y

comerciantenan local a atende na diferente mision nan manera na Colombia, Hulanda, Surinam y recientemente na Panama.

Den luna di maart binidero Rijksdienst voor Ondernemend Nederland (RVO) lo bin Aruba pa

duna un presentacion combina cu un workshop riba e diferente posibilidad cu nan ta ofrece. Tambe lo elabora riba misionan comercial cu lo bai wordo organisa durante 2025. Minister Geoffrey Wever ta gradici sra. Kamstra y sra. Verrijp pa nan bishita.



# Prome Minister Evelyn Wever-Croes: Durante Conferencia "Innovative Future of Governance in Aruba", **PROME MINISTER HUNTO CU UNIVERSIDAD DI ARUBA A CELEBRA 15 AÑA DI FACULTAD OGM**



ORANJESTAD – Diamars anochi, 18 di februari, Prome Minister Evelyn Wever-Croes tawata invita pa e celebracion di 15 aniversario di e facultad di "Organization Governance Management" (OGM), di Universidad di Aruba.

tuma luga durante e Conferencia "Innovative Future of Governance in Aruba". Pa e ocasion aki Prome Minister di Aruba a duna un discurso elocuente indicando riba e importancia di e facultad aki pa pais Aruba.

E celebracion aki a 15 aña di OGM ta e



testimonio di e rol critico cu educacion, investigacion y innovacion ta hunga den forma e futuro di un gobernacion y sociedad. Durante e ultimo 15 añanan, e programa di OGM a forma lidernan, legisladornan y visionarionan cu a contribui significativamente na e desaroyo di Aruba su maneho.

Prome Minister a indica durante su discurso cu gobernacion den siglo 21 no ta solamente un asunto di administracion, sino ta trata di adaptacion, inclusion y transformacion digital. E mundo ta evolucionando lihe, impulsa pa tecnologia, globalisacion y cambio social y Aruba mester sigui innova pa sigura un gobernacion efectivo.

E transformacionnan ta

sosodiendo den diferente area. Entre otro, e area di gobernacion digital y inteligente, manera e programa di E-Government cu ta simplifica servicionan y ta haci gobierno mas accesibel. Tambe e transformacion di e participacion y colaboracion di e ciudadano unda e futuro di gobernacion ta uno colaborativo. Un gobierno cu ta scucha, participa y crea solucionnan hunto cu e ciudadano, ta un gobierno cu lo prospera. Otro transformacion importante ta e seguridad cibernetico. Esaki pa motibo cu digitalisacion ta trece cu ne cu e seguridad cibernetico ta bira critico.


“E facultad di OGM ta esencial pa prepara e siguiente generacion di

lidernan y legisladornan. E conferencia ta reuni mentenan briyante, investigadornan y expertonan pa discuti e siguiente pasanan den gobernacion pa nos nacion. Mi ta encurasha boso tur pa adopta un mentalidad cu ta pensa den futuro, pa desafia normanan existente, y pa impulsa gobernacion adaptativo, inclusivo y innovativo.

Den number di e Gobierno di Aruba, mi ta manda mi palabranan di elogio na Universidad di Aruba y e facultad di OGM pa nan dedicacion na excelencia, sperando cu e conferencia aki stimula ideanan nobo, crea colaboracionnan significante y inspira e siguiente 15 añanan di innovacion den gobernacion”, Prome Minister a expresa na final di su discurso.



# AUTO A DAL TRAS DI OTRO NA E ROTONDE SASAKI



Diaranson mainta a drenta informe di un accidente na e rotonde Sasaki, mesora a dirigi un patruya na e sitio. Na

yegada di e patruya a bin compronde cu aki ta trata di un accidente unda un tercer auto a sali dilanti un otro y esun prome a brake

y e di dos auto a dal esun prome. Afortunadamente ningun hende a results herida.

## FORTALEZA PA FAMILIA

Scirbi pa Pastor Marcel Balootje.

### NOS MESTER TIN UN NIVEL HALTO DI GRADICIMENTO NA DIOS

Den tur cos nos mester ta gradicido na Dios, den tempo bon , y den tempo malo, pasobra Dios tin poder pa cambia e tempo, y for di cada situacion,nos ta sinja, y hanja experiencia di bida, pero Dios ta keda bon, pasobra solamente Dios por haci milager y restaura tur locual nos a perde.

No preocupa pa nada, ma den tur cos,pa medio di oracion cu suplica cu gradicimento, laga boso petitionnan ta conoci dilanti di Dios. Y e pas di Dios cu ta surpasa tur comprendemento,lo warda boso curason y boso

mente den Cristo Hesus.(Filipensenan 4:6-7).

Nos gradicimeno na Dios ta demostra cu nos tin confiansa den Dios.Especialmente ora nos ta duna danki prome cu ricibi algo di Dios.

Hopi biaha hende ta hiba un bida di pidi, y pidi, pero ta lubida di gradici ora nan hanja locual nan tin mester. Tin hende conoce Dios solamente ora nan tin mester, pero despues nan ta aleha, nan ta desaparece, nan a lubida e situacion den cual nan tabata, y no ta duna gradicimento.

Gradicimento ta habri porta

di bendicion, e ta aporta na e grandesa di Dios, e ta muestra cu nos ta reconoce cu Dios ta Soberano, cu nos por depende riba su palabra, pasobra ora Dios papia cos nan ta sosode.

No tin nada cu por kibra nos comunicacion cu Dios, pero tur cos ta depende si nos mes kier comunica cu Dios, pasobra nos por comunica cu nos boca, mente, y nos curason, e ta asina bunita cu nos por ta den hopi hende, pero nos ta haci oracion sin ningun hende sa, pidiendo Dios pa e cambia e situacion. Ora Hesus tabata bay multiplica e cinco pan y dos

pisca, E manda e disipelnan pa pone tur hende sinta, E a mira na cielo , E a bendiciona ,y despues kibra e pannan y duna e disipelnan pa nan pone dilanti di e multitud y asina cinco mil hende por a come y keda barica yen. ( Marco 6:33-44).

Na momento di lanta Lazaro for di morto a sosode lo siguiente; Anto nan a kita e piedra,Y Hesus a hisa cara wak ariba y bisa: Tata Mi ta gradici Bo, cu Bo a tende Mi . Y mi tabata sa cu bo ta tende Mi semper , ma pa motibo di e pueblo cu ta para rond di Mi,Mi a bisa esaki, pa nan kere cu ta Abo a mandami. Wak e milager grandi cu a sosode ora Hesus ta hisa su cara na laira y gradici, tanto e milager di e pannan , como e momento cu Hesus a lanta Lazaro for di morto.

No laga nos lubida e historia caminda Hesus a sana 10 leproso y un so a bini bek pa gradici Hesus.

Gradicimento ta demostra fieldad y confiansa, ta un muestra cu nos ta kere den e poder di Dios, ora nos ta gradici , nos ta halsa Dios su nomber, nos ta duna tur e Gloria na Dios pa locual cu e so por haci.

Ta solamente Hesus por a multiplica 5 pan y 2 pisca, ta solamente Hesus por a lanta Lazaro for di morto despues di cuater dia for di morto.Solamente Hesus a bay na e crus pa pordon di nos picanan,awel nos tin suficiente motibo pa reconoce su grandesa y gradici Senjor.

Regosiha semper, Haci oracion sin stop. Sea agradecido den tur cos, pasobra esaki ta e boluntad di Dios,pa boso den Cristo Hesus.


Ta un gran bendicion ora nos ta haci oracion cu gradicimento, cu confiansa den Dios.



# DAMA A BIRA MALO TRAS DI STUUR Y A PARA E AUTO YAMA AMBULANS PA AYUDO

Diamars anochi a drenta informe di cu un dama cu a bira malo tras di stuur banda si Acropolis Plaza a para su auto y a yama 911, mesora nan a dirigi un


ambulans na e sitio. Na yegada di e ambulans nan a haya e dama den un auto color creme y a brind’e asistencia medico.























# AFGESTUDEERD AAN DE UNIVERSITEIT VAN ARUBA, MARISA GEERINA TROMP

ORANJESTAD - Op donderdag, 13 februari, 2025 verdedigde Marisa Geerina Tromp haar scriptie aan de Faculteit der Rechtsgeleerdheid bij de Universiteit van Aruba met als onderwerp: “Ambient Intelligence en zijn rol binnen het contractenrecht”. De examencommissie bestond uit de leden: mr. dr. C. Bollen, mr. dr. C. Luk, mr. H. Meijer. De Universiteit van Aruba feliciteert Marisa Geerina Tromp van harte met het behaalde resultaat.





Paardenbaaistraat 10, Oranjestad, Aruba Tel.: (297) 525 - 7555  
www.lottoaruba.com  
Resultado: Sorteo di Merdia - February 20, 2025

 Sorteo # 4543 4216 1322 6553  FP  Sorteo # 4543 1047  X2  Sorteo # 2599 5214  Sorteo # 4543 7124 Acuario  Sorteo # 1417 650  X2	 Sorteo # 0x Jackpot 0x Match 4+ 0x Match 4 0x Afl. 12,00	Joker Letter Proximo Jackpot <b>130.000,-</b>	 Sorteo # 0x Jackpot 0x Match 4 0x Afl. 8,00	Proximo Jackpot <b>50.000,-</b>	 Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00	Mega Ball Proximo Jackpot <b>2.100.000,-</b>	 <b>Afl. 3.250.000,-</b>		 Sorteo #	
 Sorteo # 0x Jackpot 0x Match 4+ 0x Match 4 0x Afl. 12,00	Joker Letter Proximo Jackpot <b>130.000,-</b>									
 Sorteo # 0x Jackpot 0x Match 4 0x Afl. 8,00	Proximo Jackpot <b>50.000,-</b>									
 Sorteo # 0x Jackpot 0x match 4 0x Afl. 500,00 0x Afl. 50,00 0x Afl. 15,00	Mega Ball Proximo Jackpot <b>2.100.000,-</b>									
 <b>Afl. 3.250.000,-</b>										
 Sorteo #										



# CFT: "ATENDE E PROBLEMANAN DI SERVICIO DI IMPUESTO DI CORSOOU"

Willemstad – Den combersacionnan recien cu Gobierno di Corsou, Colegio di supervision financiero Corsou y Sint Maarten (Cft) a insisti cu mester atende e problemanan cerca Servicio di Impuesto di Corsou mas pronto posibel. Desde 2021, e ingresonan di impuesto ta muestra un aumento, entre otro pa motibo di e medidanan di compliance cu ta tuma desde e tempo ey. Sin embargo, tambe tin problemanan persistente. Un Servicio di Impuesto profesional y honesto ta di importancia crucial pa por mantene e resultadonan positivo.

Desde e dia cu el a asumi su cargo, na 2021, Minister di Finanzas di Corsou ta traha riba mehoracion di e compliance tributario. Durante bishitanan na Servicio di Impuesto y Stichting Belastingaccountantsbureau, Cft a combersa tocante di e accionnan di mehora den e marco di e trayecto aki. A pesar cu a logra resultadonan positivo, mas profesionalisacion di Servicio di Impuesto ta necesario pa mantene y expande e resultadonan aki.

Reorganizacion Servicio di Impuesto

Impuesto Na 2024, investigacion di Stichting Overheidsaccountantsbureau a demostra cu den e implementacion di legislacion tributario, tawata tin casonan di tratamiento preferencial indebido di parti di Ontvanger. Ademas a constata cu no ta cumpliendo cu e marconan legal.

Esaki ta afecta e confianza den Servicio di Impuesto, y ademas e ta trece riesgonan pa e moralidad tributario. Tin plannan avansa pa reorganisa y modernisa Servicio di Impuesto.

Cft a urgi Consejo di Minister pa priorisa e reorganizacion aki mas tanto posibel, pasobra un Servicio di Impuesto honesto y transparente ta contribui na e salud financiero di Corsou.

Den e marco aki, Cft tambe a pidi atencion pa e reforma di e sistema tributario. Akinan tambe tin oportunidadnan pa mehora compliance, y di e manera ey, aumenta e ingresonan. Asina ta crea posibilidadnan pa por baha e presion tributario alto na Corsou.

Presupuesto 2025 Corsou ta presenta surplusnan



presupuestario multianual, principalmente pa motibo di e aumento den e ingresonan di impuesto. Epaistambeta haciendo progreso den e otorgamento di licencianan na proveedornan di weganan di azar online. Di e manera aki ta crea espacio pa implementa reformanan

sumamente anticipa, por ehemplo den cuido y seguridad social. E reformanan aki lo beneficia tur ciudadano di Corsou. Den e marco aki, Cft tambe a pidi atencion pa e elaboracion mas detaya di e solucion pa e problematica financiero di Curaçao Medical Center.

## Minister mr. Geoffrey Wever TAYER GRATIS PA EMPRESARIONAN NOBATO

Oranjestad, 19 Februari 2025 – Un negoshi exitoso ta cuminsa cu un bon preparacion. Pa esaki, Ministerio di Asuntonan Economico, Industria y Comercio, a traves di su unidad IDEA, ta organisa un tayer gratis dia 27 di februari pa tur esnan cu ta desea cuminsa of crece den nan caminda empresarial.

Segun minister Geoffrey Wever, tayernan manera esaki ta crucial pa empodera nos hendenan. "Economia di Aruba ta depende grandemente di negoshinan chikito y mediano. Nos pueblo ta conoci pa su espiritu comercial, ambicion y creatividad, pero pa logra exito, tin hopi mas

cu simplemente un bon idea. Maneha un negoshi ta rekeri administracion, research, y cumplimento cu regulacionnan, entre otro," minister Wever a enfatisa.


E workshop aki lo guia participantenan den e prome paso pa un negoshi solido. Sr. Edward Erasmus di

Erasmus Consulting & Training lo comparti su conocimiento riba investigacion di mercado, analisis di competencia, y creacion di un base fuerte pa negoshi.

Fecha: 27 di februari  
Orario: 9:00 - 11:00 AM  
Luga: Departamento di Asuntonan Economico, Industria y Comercio, Sun Plaza Building #160, 2nd Floor, Room #25  
Registra Gratis: <https://Workshopidea.eventbrite.com>

No perde e oportunidad pa cuminsa bo negoshi

na e manera corecto. Registra awe mes!





Otmar Oduber

# Mester pone presupuesto disponibel pa salvaguardia polis y ciudadanonan.

## Bodycams, dashcams y seguro adicional ta necesidadnan urgente



Tambe lo bay presenta un mocion, siguiendo loke a presenta den temporada di eleccion, caminda ta bisa cu ta e momento adecuado pa duna Cuerpo Policial y otro cuerponan cu ta pone nan bida na peliger, e atencion necesario cu un seguro adicional.

Otmar Oduber ta indica cu no por ta asina cu un mama, tata of yiu ta sali for di nan cas pa bay traha, poniendo nan bida na peliger, y nan ta conta cu e mesun seguro cu cualkier otro trahador publico.

Cu e mocion ta pa crea e posibilidad pa e 'first liners' cu ta pone nan bida na peliger, por ta sigur cu ora nan sali, nan por ta un tiki mas segura conforme e trabou cu nan ta haciendo.

Adicionalmente el a bisa cu si e camaranan ta den pipeline caba, e ora pa haci e pipeline aki uno cortico y segura cu den algun siman, poniendo fecha, esakinan por ta na

Aruba y si ta falta di fondo, pa pone esaki disponibel.

Parlamentario di PPA a finalisa bisando cu e ta sinti cu den e caso lamentabel aki no tin oposicion ni gobierno, ta trata di un sucedido cu a touch tur hende y mester atende cune. Parlamento no por laga sin mas e caso aki bay sin pone su pensamiento y decisionnan patras di e echo aki. "Mi no por papia den nomber di otro fraccionnan, pero mi ta sinti cu a pesar cu 3 traccion a firma e carta (PPA, Futuro y AVP), di parti partido MEP tambe tin e preocupacion y tambe kier a atende cune, unicamente cu nan kier a atende den un otro setting den forma di un bijeenkomst publico. Nos a prefera di hacie den un reunion publicopasobra eynan por manda un instruccion, un pensamiento, un decision cla y raspa di parti Parlamento pa gobierno pa por wordo ehecuta".

Otmar Oduber

Mester pone presupuesto disponibel pa salvaguardia polis y ciudadanonan.

Bodycams, dashcams y seguro adicional ta necesidadnan urgente

Parlamentario di PPA, Otmar Oduber, durante conferencia a comenta cu su fraccion, cu sosten di fraccionnan di Futuro y AVP a pidi Presidente di Parlamento pa yama un reunion publico cu caracter di urgencia pa atende cu e incidente tristo unda un hoben di apenas 19 aña a perde su bida den un confrontacion cu Cuerpo Policial.

Durante e reunion aki, fraccion di PPA kier enfatisa cu si mester pone presupuesto disponibel pa por tin ekiponan necesario cu ta salvaguardia tanto polis como ciudadanonan, manera bodycam y camaranan pa autonan, pa 'let's do it'!

## Paga bo cuenta online ta facil

Sea  
Abonnement  
of Aviso



Pa hasi pago online pone nomber y adres na cuenta di banco RBC Sunmax Printing account # 7700000100152447

# Clasificados





**SOLODIPUEBLO@GMAIL.COM**

**CEL.585 9500**





# Martin Luttge beëdigd als militair lid van het Gemeenschappelijk Hof van Justitie



Martin Luttge is officieel beëdigd als militair lid van de meervoudige militaire kamer belast met hoger beroep bij het Gemeenschappelijk Hof van Justitie. De beëdiging vond plaats op maandag 13 januari 2025 en werd voltrokken door de waarnemend Gouverneur van Curacao, Hare Excellentie Michelle Russel-Capriles. De heer Luttge werd reeds op 4 december 2024 bij Koninklijk Besluit benoemd tot militair lid. Zijn benoeming is gebaseerd op zijn indrukwekkende staat van dienst en zijn hoge militaire rang als commandeur. Als lid van de militaire kamer zal hij deelnemen aan de behandeling van hoger beroepszaken waarin militairen verdacht zijn. Deze benoeming is

bijzonder, omdat Martin Luttge hiermee niet alleen zijn bijdrage levert als directeur bedrijfsvoering van het Gemeenschappelijk Hof, maar nu ook als militair lid een actieve rol vervult in het primaire proces van de rechtspraak zelf. Het Gemeenschappelijk Hof van Justitie is verantwoordelijk voor de rechtspraak in Curacao, Aruba, Sint-Maarten en in Bonaire, Sint-Eustatius en Saba.

**PUEBLO A HAÑA SU PEN BEK**

Pa kualkier informacion  
solodipueblo@gmail.com  
of  
585-9500



## Clasificados

Icons representing various services: car, house, shopping cart, briefcase, tools, and people.

**CLASSIFIEDS**

**SOLODIPUEBLO@GMAIL.COM**

**CEL. 585 9500**

**SOLO Di Pueblo**  
BRIYANDO FUERTE • TRECIENDO CLARIDAD



Na number di su:  
**Esposa:**  
Swinda Arcaya-Kock

**Yuinan:**  
Gregory Arcaya  
Rachella Arcaya y Anthony Cannegieter  
Kenrick y Jahaira Arcaya-Rasmijn  
Kaydee y Shawnee Paesch-Arcaya  
Ryan Bregita y Ramzina Croes

**Nietonan:**  
Zvaviazka (Zavi) Maduro, Miljuaen (Milly) Lopez-Penha,  
Alexon Simmons, Alexei Simmons, Amanda Alders,  
Jennyree Boekhoudt-Arcaya, Kareina Arcaya,  
Jeanrick Arcaya, Kayshawn Paesch, Khaylen Paesch,  
Kaysienne Paesch y Zi-Anne Loefstok.

**Bisnietonan:**  
Dason, Arqion, Keandra, Jenedy y Eldrick

**Rumannan:**  
Petra Ramona y Ciro Robert-Arcaya  
Francisco Arcaya  
Enrique y Nelida Arcaya-Coquis  
Orlando Arcaya y Bertha Geerman  
Mireya y Ciro Ras-Arcaya

**Suegra:** Sra.Vda. Dionisia Kock-Dijkhoff

**Sua- y Cuñanan:**  
Marjorie y Tinchí Vrolijk y familia  
Charmila Nadall-Kock y familia  
Maikel y Lourdes Kock Feliciano y familia  
Griselda Vrolijk-Kock y familia  
Hashmin Kock-Maduro y familia

Mi ta bai Feliz y agradecido pa e tempo largo cu Señor  
a regala mi. Pa tur e amor cu mi a ricibi y cu mi a duna.  
Señor ta bon y husto. E la mira cu mi tabata agota  
y e la tuma mi den su brasa pa mi por sosega.

Cu inmenso tristeza pero conforme cu voluntad di Dios,  
nos ta anuncia fayecimento cristianamente di:



*Sr. Juan Antonio Arcaya*  
Mihor conoci como "Juancho"  
\*20-10-1941 - \*13-02-2025

Omo y tanta, Sobrina- y Sobrinonan, Sobre-subrina- y Sobre-subrinonan, Prima- y Primonan, Ihanan, Su ex-coleganan di Radisson Hotel, su ex-coleganan di Softball y Bolas Criollas.

**Demas famia:**  
Arcaya, Kock, Dijkhoff, Paesch, Cannegieter, Maduro, Lopez-Penha, Simmons, Rasmijn, Croes, Boekhoudt, Alders, Bregita, Loefstok, Dirks, de Abreu, Jansen, Blanco, Ras, Robert, Vrolijk, Feliciano, Coquis, Geerman, Lopez, Lugo, Koolman, Henriquez, Toppenberg, Orman, Villa, Ocando, Pas, Guanipa, Nadall, Diaz, Gonzalez, Valdez.

Demas famia nan na Aruba y Venezuela

**Ta invita demas famianan, amigonan, bisiñanan y conocirnan pa e acto di despedida cu lo tuma lugar Diasabra, 22 di Februari 2025 di 9or pa 11or am na Aurora Funeral Home despues lo sigui pa Santana Catolico na Paradera.**

Nos ta lamenta cu despues di entierro nos no lo ricibi bishita di condolencia na cas y nos ta pidi disculpa si den nos tristeza nos por a lubida un of mas famia of amistad.

# SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

# Clasificados





**SOLODIPUEBLO@GMAIL.COM**  
**CEL. 585 9500**





# FORTALEZA PA FAMILIA

Scirbi pa Pastor Marcel Balootje.

## MAYOR CORDA SOSTENE BO YIU

Ta deber di tur mayor, pa cria nan yiu, nan mester provee cas, cuminda, panja, etc, pasobra esey ta locual tur mucha tin derecho riba dje.

Ora nos papia di sostene, nos no kier men Telefon, tablet, laptop, pero tin hopi manera cu un mayor tin cu sostene su yiu pa e lanta un persona util pa comunidad y no un molester den comunidad. pasobra esaki ta un realidad grandi cu nos ta mira ta sosode tur dia y nos ta puntra na unda e mayor ta, kico nan a haci?

Den naturalesa ora bo planta un mata, ta bo deseo pa e crece stret y no manera un mata di kwihi, cu ta crece segun e biento cu ta zwaai e mata, tur desforma, cu raisnan zwaak cu ora awacero cay duro y biento supla duro e ta cay pasobra su raisnan ta hopi superficial.

Awel mescos un mucha mester wordo sostene cu raisnan fuerte di educacion, pasobra educacion ta cuminsa na cas, y tur mayor ta responsabel pa un bon educacion di nan yiu.

Corda bon cu sosten pa bo yiu, no ta nifica e keds di ultimo modelo, pa competi cu otro, pasobra cosnan material, no ta parti di educacion, pasobra hopi hende ta kere cu si un mucha costumbra cu cosnan di marca for di chikito, e ta lanta un mucha, cu sa kico e kier.

Y hopi biaha eyan malcriansa ta cuminsa, pasobra un mucha mester lanta cu locual su mayornan por dune, pa e sa cu bida, nos tin cu biba tranquil, no forsendo pa competi cu otro hende, pero conforma cu locual bo tin y no bira egoista.

Ora nos sostene nos yiu den e forma ey, nos ta lanta un mucha sano, cu ta biba segun e budget cu su mayornan tin, y ningun mayor mester traha dos trabao, cu nan no tin tempo pa sirbi Dios, pasobra nan ta ocupa den preocupacion di bida (Lucas 21:34). Pasobra tin hende ta traha dos trabao pa necesidad, pero tin otro ta traha dos trabao, pa luho, pasobra asina nan ta pensa cu tin mas cen den saco.

Un pregunta ta surgi: Kico lo a pasa si awor aki cu tur cos a bira caro, y cu hende ta demostra di stima placa mas cu Dios, y no tin oportunidad pa traha dos trabao?

Ki bale la pena traha dos trabao y perde familia, perde yuinan, pasobra nan no tin bo sosten, pasobra ora bo no ta na trabao bo ta den Gym, y awor aki den tempo di carnaval, mayor ta sali for di trabao directamente y bay traha riba su piec y yuinan ta nan so na cas.

Yuinan mester wordo sostene, cu tempo, amor, carinjo, respet, coreccion, disciplina y mas cu tur cos pa sinja nan e Palabra di Dios, y

con pa biba un bida cu ta agrada Senjor.

Ora bo planta un mata y bo no dune sosten e ta crece bay den e direccion contrali y hopi biaha e ta dobla cu ta resulta dificil, pa stret e palo bek, awel asina ta un yiu cu lanta sin sosten berdadero di su mayor, pasobra no ta sosten financiero, cuminda y cas so ta conta, pero e sosten di decencia, ordo y respet ta primordial den bida di tur hoben, pasobra si un mucha no sinja respeta na cas, e no ta respeta hende ningun otro caminda, asina e ta bira un mucha asocial, cu tur caminda cu e yega su actitud y vocabulario ta spanta hende.

Mayor bo sosten pa bo yiu ta un mandato di Dios, ta bo deber.



## Oracion di dia

### Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."  
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experiencia Amor, E Amor Unico cu nos tur ta anhela consciente y inconscientemente nos tur ta anhela di experiencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experiencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

## PUEBLO A HAÑA SU PEN BEK

Pa kualkier informacion  
solodipueblo@gmail.com  
of  
☎ 585-9500

